

光緒二十六年六月廿四日

無欺登錄虎標記價蒙 諸商翁光顧請到中街老萬全內敝廠相商可也特此佈聞

光緒二十六年六月廿四日

檳城建置華人病房公啟 ○敬啟者茲本埠欲建置華人病房以防將來痘症核症瘟疫之患本埠華人病房於下午楊君忠萬林君花君鑄於平章公館勸捐潘君興隆倡首喜緣銀一萬大員初五日梁君樂聯勸捐鄭君景喜喜緣銀一萬五千大員張君振勸喜緣銀一萬大員謝君榮光喜緣銀五千大員 謝家有塘社聯候公司喜捐緣銀八千元 林寧錦翁翁喜捐緣銀三千元 林有汜翁翁喜捐緣銀一千元諸君子有志樂助惟我同人各宜踴躍勸捐共成美舉此我埠幸甚特此佈聞 大清光緒二十六年五月初一日 廣福董事等公白

善後策 籌餉第五

自財源告匱而海內空虛上下患窮患貧非一日矣當夫承平無事度支竭匱司農已有仰屋之嘆矧自拳匪擾亂以來兵之虛募者幾何餉之虛糜者幾何餉路拆而電線毀庫銀切而倉米空黃金擲於虛耗者又幾何然此猶為有定之數若夫使館之遺毀需賠教堂之被燬需賠水陸之兵費糜用又需賠償此創鉅痛深民窮財盡何一籌款供各國之取求況善後一切事宜又非鉅款不辦斯亦可謂難矣顧或有以洋債為說者不知英法俄德四款還本還利已須二十年償清今若本上加本利上加利則斯謂稅無可復抵未必能取信於人即使能取信於人亦必須償以釐金抵以商埠其流弊有不勝言者是則求人不如求己借款不如籌款也嗚呼籌款之道節流尤重於開源蓋振作工商講求種植與一切開源之法皆非可旦夕奏功今欲救急於一時則籌餉之要有四曰設鹽卡曰折南漕曰售官烟曰行印稅請言其辦理之法鹽為稅源之大宗今竟自就疲敝者中飽及偷漏之多也為今之計當除去官私名目繳回場商憑帖任令民間隨意曬鹽官但於要關卡照各項貨物之例抽收稅釐如此則鹽官鹽吏鹽勇鹽船一律可裁不特歲入加增而且裁省數百萬經費詎有裨於餉需此設鹽卡足以籌餉者一也南漕數百萬石自南運北每石需費十八九金比及抵京祇售銀一兩計上糜國帑下竭民膏莫此為甚此豈尚容姑息乎今若一律折銀則漕督糧道以下官員津局滬局通局一委員會司事悉可裁除 家歲省二三百萬金而民間亦免誅求之苦未始非藏富於民之法此折南漕足以籌餉者二也洋藥盛行而後為絕大之漏卮今雖不能禁其入口未始不可操其利權則莫如照香港成案招商包辦煙釐釐可徵數百萬兩並與英廷商妥結就日度產土之區由中國設局收土印人製土概交官局收買自運回華如此則國家操其銷售之權獲其盈餘之利將比來並易於禁止此售官烟足以籌餉者三也泰西印稅之法事簡而易行蓋取於下者甚輕而集於上者甚厚非若釐捐之病民也今若安訂新章先從通都大邑辦起舉凡行店交易及房契合同等項每值十黏印花一分多則以次遞加將之通衍天下則通盤籌畫歲亦可得數百萬金此行印稅足以籌餉者四也總此四項皆足救燃眉之急而為善後所易行者也他如裁併釐金而加徵釐稅則涓滴可以歸公矣推廣郵政而裁去驛站則耗費可以節省矣河上則嚴絕侵漁斯最修之資可省冗員則認真裁汰斯素餐之費可輕誠使實力奉行則裕用即在節用之中何至患貧患窮也哉


上諭恭錄 閏八月初二日行在內閣抄奉 上諭李廷簫奏晉省各屬被災田畝請緩徵錢糧一摺本年山西岢嵐縣等州縣自春徂夏雨澤愆期二麥歉收秋稻亦被旱成災若將錢糧照常徵收民力實有未逮加恩著照所請該部知道欽此

上諭李廷簫補甘肅布政使山西布政使著成允調補欽此

同日奉 上諭溥良著調補廂黃旂護軍統領正紅旗漢軍統領著那蘇圖補授欽此

同日奉 上諭正黃旂漢軍副都統著那桓補授繼祿著補授正白旗漢軍副都統欽此

McALISTER & Co.,

[illegible]

初六日行在內閣抄奉 旨現定閏八月初八日啓鑾西幸長安沿江應設轉運總局著即移至漢口清江改爲分局自漢口以上應如何添設分局之處著劉坤一張之洞飭令督辦妥籌辦理欽此○初七日行在內閣抄奉 上諭朕恭奉慈恩駐蹕太原將近兩旬該省適值荒歉千乘萬騎供億維艱食用需昂民生滋累每一念及慈焉難安且省城電報不通京外往來要件轉輾每多延誤不得已謹擇於閏八月初八日啓鑾西幸長安沿途供頓到後起居服用祇圖便適承辦各員不得過事鋪張致滋糜費至於繕繕餉費在疆臣 該督撫實力籌畫源源分解東南各省轉運較易并著將鑄定糧價迅解行以資接濟將此通諭知之欽此

華事西電 ○十二號勞打電云據俄京訪事回電聞歐洲各國在東亞之兵業已陸續裁撤不日可盡回歐洲又聞中朝與各國議和之事亦經就緒並無節外生枝大抵時局雖未盡寧亦已漸趨於太平矣○又據俄京遞來消息云各省之勤王兵現有八千名已到山西○又云西七八兩月計俄人所奪華軍之炮大小共一百四十四尊○又云日本駐北京之兵現亦陸續退出聞先撥一半回本國云云

英京電音 ○十二號來電云前電言倫那些 蘇勃兩省議員皆舉里巴羅黨人一節現經查悉此說不確該兩省議員係天年爾士保守黨人所得也○十三號電又云舉員至是日天年爾士黨共得三百八十二人里巴羅黨共得一百六十六人○十五號電又云計天年爾士黨新舉之員連同共得三百九十八人里巴羅黨一百七十八人拿仲那路黨共得八十八人云○又云德太后近日得病甚重按德太后即今英皇之長公主也○又云里舉員英民之舉天年爾士黨者多於前居八萬二千人舉里巴羅者多於前居九千人云云

南非電音 ○十五號勞打來電云聞的將里屈現出示諭國人云自後本國之人有降英軍者固以反叛論即畏敵入勢大見其軍仗猶徘徊觀望即赴門者亦如反叛之罪必盡執而囚之云云然而的民既降爲英軍保護該將何能執之恐此示亦同具文耳

美洲電音 ○西一十五號來電又云南美洲鴉片甸國政府現出示諭募人往該國所轄之卑哥碼天河地方開墾綠該處萬頃荒蕪委棄不治負此地方實爲可惜故招人前往墾闢草萊或開墾或耕殖彼政府皆可與立約任其才力而爲現聞已有日本人二萬名願資將往開墾行將滄桑一變又成熱闊世界矣

印椒出口數 ○西報接印度來信云西一千八百九十九年統計印度載運出口之胡椒共一十四萬一千一百二十担比之往年大爲暢銷其在印地所種之椒亦日見繁盛致其種植之法係與羔不相間蓋取羔不之繁枝茂葉能庇蔭之也

西報消息 ○聞各民現已訪悉李鴻章曾與俄人立有密約將北塘山海關等處車路礦務全付俄人管理緣北洋各鐵路礦務李皆沾沾最爲多故欲藉俄爲之保全前俄人踞北塘後又佔山海關等處鐵路德俄曾向其阻止而俄人恃強不服各國爲之不韙戰艦聚於秦王島者數十艘盡欲阻壓俄人之暴云云按此說與前不銜接電稱德將華打施將山海關鐵路予俄而京津鐵路則德與俄兼管各等語不同姑兩存之以觀其後○去月七號曾查駐京之聯軍計日本有八千名俄國五千名英國三千名德美二國各二千名法意奧三國各二千名 前上海西報曾據傳聞言德員華打施遞哀的美敦書與中國一節現華總統言並無此事核令該報爲辯明○聞中政府已請各國駐京公使明示誰爲禍首以便照例重辦惟必確鑿有據方可不得妄指無辜云云

瑣聞兩則 ○探聞昨日午後有積產某氏婦手携一稚子從井水港轉過風車路正行間有一華人乘車由後馳至即停車躍下俾與婦擊婦始受擊暈倒該人猶口中曉曉不已旋又憤憤登車竟去道傍觀者咸相錯愕莫知其故嗣至該婦醒時始覺其金釵三股已歸烏有向衆嗚冤衆始悉該人并非婦之親故祇屬匪棍一流但已追逐無及矣○又聞本日早間一號巡捕房西總差率領衆役至過港仔地方捉獲閩人計十二名傳言私私聚賭之故現已起捕解案矣

錫務日記 ○茲將各埠入口錫腦列如左 廿三日由圖東輪船載到吡叻錫計四百八十八條 由人義輪船載到勝律錫計一百二十六條 共入口錫數計六百二十四條

黃堂決獄 ○二十日拜六廣福隆輪船由 吡叻到嶼未經下碇有三板夫閩人李某迫不及待傍船接客爲二百九十二號海差執之解至廿一日屈太守判罰銀三元○二十日日落洞地方突有甲乙兩黨聚毆二號二號差聞警即率伴前往彈壓捕執六人解案同堂判罰銀五元○廿二日海差執之解至廿二日之巫婦名芝者相識拜六日復到該巫婦室內問談適該巫婦思浴脫手巾金鐲一對置几上林氏隨在也巫婦浴畢視見手巾金鐲已去遂起而執之解至廿二日之巫婦訪知該金手鐲當在統美閣廣泰兵其內送晚三百二十號暗差往執林氏解案二十二日勿太守判罰銀五元○廿三日由圖東輪船載到吡叻錫計四百八十八條 由人義輪船載到勝律錫計一百二十六條 共入口錫數計六百二十四條

之生均皆紛紛交遊參贊其目俾理作同計
命問題錄後浙省仿照西國養蠶公院之制創設蠶學館整頓蠶桑諸務能否逐漸推之蒸蒸日上試詳言之

工部局招辦燃點本埠路燈告白
啟者本局員欲招商人承辦燃點本埠路燈由西一千九百零一年正月一號起以二年為期凡要承辦者可投稟交本司理人信面書明承辦燃點路燈字樣限至西本年十月廿六號即華九月初四日中午為止本局惟要價低總由局員裁奪如欲知詳細情形可到本局查詢便悉此佈
大英一千九百年九月七號
司理人蜜承命謹白

永年保壽公司告白
竊謂人生世上莫不欲早歲經營廣有金穴銅山以為暮年享用之地又莫不欲積厚錢以遺澤孔長使百歲後子子孫孫猶得受其餘蔭若然則人壽保險之設誠不可少矣本公司向設上海等處歷有年所成效昭然中外共見今姑就其大畧言之凡欲投保或十年十五年二十年不等期滿後將保費盡數收回并加付有利息如保銀五千者期滿付原保銀五千另加利銀二千五百共得七千五百是謂壽年享用安閑之福也或有不測有此賠款亦得為妻子衣食計所納逐年保費無幾日後即可收回全款不啻本公司代為儲積利莫大焉又投保之人其各均服藥石事亦准自便并無阻碍之理經本公司驗准受保後倘憑投保人自重其有不虞立付賠款更無有接延之處又投保人已還數年保費或有要需亦可將此保費平交本公司支借計息甚廉其最為便人者尤莫如保小孩一事由一歲起保至十八歲二十一歲每千元年納保費數十元期滿領回原保銀息銀共計一千六百元以此為男婚女嫁之資何便如之餘細詳章程刊為一冊惠顧諸君可到港仔口街九十五號門牌代理人處取閱便悉此佈
光緒庚子年二月三十日
英一千九百年三月三十號
經理外埠意憐補代理人長利公司全啟